

## Láhka

### boazodoalu ja luondduealáhusaid ráhkadusdoarjagiin addojuvvon lága rievdadeamis

Riikkabeivviid mearrádusa mielde  
*gomihuvvo* boazodoalu ja luondduealáhusaid ráhkadusdoarjagiin addojuvvon lága (986/2011) 114 §,  
*rieviduvvo* 2 § 3 ja 5 momenta, 6 § 1 momenta 17 čuokkis, 7 § 2 momenta, 11 § 1 momenta, 14 § 1 momenta, 15 § 1 momenta, 16 § 3 momenta, 40 ja 41 §, 43 § 2 momenta, 44 § 2—4 momenta, 47 ja 48 §, 49 § bajilčála ja 2 momenta, 52 § 4 momenta, 56 § 1 ja 3 momenta, 57 § 1 ja 4 momenta, 58 §, 61 § 4 momenta, 65 § 5 momenta, 66 § 4 momenta, 67 §, 68 § 2 momenta, 69 § 2 momenta, 70 §, 71 § 3 ja 4 momenta, 73 § 4 momenta, 74 ja 75 §, 89 § 2 momenta, 90, 92 ja 93 §, 94 § 3 momenta, 23 logu bajilčalus, 95 §, 102 § bajilčalus ja 1 momenta, 103 §, 105 § 2 ja 3 momenta, 106 § 2 ja 3 momenta, 107 ja 109 § ja 127 § 2 momenta,  
 dakkárin go dain leat 2 § 3 ja 5 momenta, 48 §, 49 § 2 momenta, 57 § 1 ja 4 momenta, 70 § muhtin osiid mielde, 89 § 2 momenta, 92 § ja 114 § lágas 1676/2015, 11 § 1 momenta lágas 418/2018 ja 41 § lágas 253/2021,  
*lasihuvvo* 6 § 1 momentiid odđa 18 čuokkis ja láhkii odđa 7 a §, 94 a ja 103 a § čuovvovaččat:

#### 2 §

#### *Guoskadansuorgi*

Boazodoallobuktage ja eará eanandoallobuktage vuosttašdási ovddosdikšumii ja gávppi doallamii sihke boazodoallo- ja luondduealáhuslága doaimma viiddideapmái boazodoalu dahje eará luondduealáhusa olggobeallái miedihuvuloš doarjagiin mearriduvvo dálanguovllu ovddideami doarjumis ruhtadanbajis 2023—2027 addojuvvon lágas (1325/2022). Dát láhka guoskaduvvo goitge bálgosiid njuovahagaid divodaninvesteremiidda ja dakkár doibmii, mii dáhpuhuvvá dálus, mii lea dárbbášlaš ealli- dahje šaddobuktage válmasteami várás vuosttas vuovdimii.

Earret sierra ovdamuniid láhka ii maid guoskaduvvo dan doarjagii, mii ruhtaduvvo Eurohpá Uniovna ráhkadusruhtarájuid dahje Eurohpa mearra-, guolledoallo- ja čáhcegilvinruhtarájuid ruhtaváriin ruhtadanvuloš doarjagii iige Eurohpa uniovna oktasaš guolástanpolitihka suorggi doaimbaidjui.

#### 6 §

#### *Meroštallamat*

Dán lágas dárkkuhuvvo:

17) *guovddášruhtalágádusain* eanandoalu ráhkadusdoarjagiin addojuvvon lága 52 § 2 momentas dárkkuhuvvon loatnalágádus dahje eará searvvuš, man Biebmobearráigeahčču lea dohkkehan doaimmat guovddášruhtalágádussan;

18) *horisontálaásahusain* oktasaš eanandoallopolitihka ruhtadeamis, hálddaheamis ja čuovvumis sihke ráđi ášahusa (EU) Nr 1306/2013 gomiheamis addojuvvon Eurohpa parlameantta ja ráđi ášahus (EU) 2021/2116.

## 7 §

*Doarjaga ruhtadeami ja meari eavttut*

Doarjja ii sáhte miedihuvvot dan oasi mielde go almmolaš doarjaga ossodat doarjunvuloš dohkálaš doaibmabiju goluin manná badjel almmolaš doarjaga alimusmeari, mii lea mearriduvvon Eurohpá Uniovnna láchkamearrádusain. Juos gažaldat lea doarjagis, mii vuodđuduvvá plánii, doarjagii gullevaš almmolaš ruhtadeami mearri ii oaččo mannat badjel pláanas meroštallojuvvon almmolaš ruhtadeami alimusmeari.

## 7 a §

*Doarjaga miediheami ráddjehusat*

Dán lágas dárkkuhuvvon doarjja ii sáhte miedihuvvot, juos

1) doarjjaohcci lea nohkavaš dahje golmma ohcama ovddit kaleandarjagi áigge doaimmastis dávjjjet-dávjá čájehan čalmmus berošmeahttuvuoda árat dán lága vuodul miedihuvvon doarjjaeavttuid doahttaleamis;

2) doarjaga miediheami eavttut leat duddjojuvvon geinnolaččat, dán lága ulbmiliid vuostá ja ordneami čielga ulbmilin lea leamaš garvit doarjaga miediheami njuolggadusaid vuoigatvuodaidis ávkki háhpohallama várás;

3) doarjjaohcci lea ohcanjagi dahje golmma dan ovddit kaleandarjagi áigge čielgasit healbadan vearuide, lágas mearriduvvon ealáhat-, bárte- dahje barggohisvuohtamávssuide dahjege Duollu bearran mávssuide laktáseaddji registreren-, ilmmuhus- dahje máksingeatnegasvuodaid dikšuma dahje doarjjaohccis leat dehálaš máksinheaduštusat dahjege doarjjaohccis lea máksinnávccaid oaidnut unnánačča stuorit vealggit bearranládje bággobearramis dahje vealggit, mat leat máhcahuvvon bággobearramis hattihisvuoda eastinduođastusaiguin, juos doarjaga miediheapmi ii adnojuvvo earenoamáš ákkaid dáfus vuogálažžan;

4) doarjjaohcci guoská dihto doarjjahámiid gávnaheamis sismárkaniidda heivvolažžan vuodđosoahpamuša 107 ja 108 artihkkala mielde addojuvvon komišuvnna ášahusa (EU) Nr 651/2014 1 artihkkala 4 čuoggá a vuollečuoggás dárkkuhuvvon Eurohpa komišuvnna ovddit mearrádussii vuodđuduvvi mávssekahtes bearranmearrádus, mas doarjja lea julggaštuvvon njuolggadusaid vuostázažžan ja sismárkaniidda heivemeahttumin;

5) gažaldagas lea fitnodagas, mii lea váttisvuodaid siste; fitnodagain, mii lea váttisvuodaid siste, dárkkuhuvvo 4 čuoggás namuhuvvon komišuvnna ášahusa 2 artihkkala 18 čuoggás dárkkuhuvvon fitnodat, mas leat váttisvuodaid.

Juos doarjjaohcci lea juridihkalaš persovdna, 1 momeantta 1 ja 3 čuoggás dárkkuhuvvon ráddjehusat gusket fitnodatjodiheaddji ja su sadjásačča, stivrra lahtu ja sadjásaš lahtu, hálddahusráđi ja dasa buohtastuvvi doaibmaorgána lahtu ja sadjásaš lahtu, ovddasvástáduslaš fitnodatolbmo sihke eará bajimus njunušgoddái gullevačča. Ovdal mearriduvvon guoská maid olbmo, geas lea njuolga dahje eahpenjuolga unnimusat 25 proseantta oasussearvvi ossosiin dahje ossosiid buvttadan jietnaválddis dahjege danveardásaš eaiggáduššan- dahje mearridanváldi, juos gažaldagas lea eará searvi go oasussearvi.

Doarjaga miediheami ráddjehusaid árvvoštallama várás sáhttet válđojuvvot vuhtii 1 momeantta 1 ja 3 čuoggás dárkkuhuvvon áššit dakkár fitnodat- ja searvvušiehtolága (244/2011) 3 §:s dárkkuhuvvon registrerejuvvon fitnodagain ja servošiin, mat gaskkaheamet dahje gaskkalaččat čatnahuuvvet doarjjaohccái dahje 2 momeanttas dárkkuhuvvon olbmuide.

## 11 §

*Doarjunvuloš doaibmabiju álggaheapmi*

Ealáhusbargi investerendoarjja, ealáhusbargi vistehuksendoarjja, bálgoša investerendoarjja ja dutkanruhtadeapmi ii miediuvvo dakkár ealáhusbargi, bálgoša dahje dutkanruhtadeami ohcci doaibmabidjui, man ollašuttin lea álggahuvvon ovdal doarjjaohcamuša guođđima. Ovddabealde ásašusas spiehkastettiin ovdal doarjjaohcamuša guođđima šaddan doarjuma várás laktáseaddji ohcanvuloš doaibmabiju vealtameahttun plánengoluide sáhtta doarjja dattege miediuvvot. Bálgoša áiddiid ortnegisdoallandoarjja ii miediuvvo, juos ortnegisdoallan lea álggahuvvon ovdal go ohcamuš lea johttáhuuvvon. Nuorra ealáhusbargi álggahandoarjja sáhtta miediuvvot, juos doarjja lea ohccojuvvon 24 mánu siste dálu doallama álggaheamis.

## 14 §

*Doarjunvuloš doaibmabijuid válljen*

Doarjja miediuvvo 7 § 1 momeanttas oaivvilduvvon rájiid siste vuosttažettiin dakkár doaibmabijuide, mat ovddidit mearkkašahtti ládje 1 §:s ásašuvvon ulbmiliid ja, juos doarjja gullá plánii, plánas ásašuvvon ulbmiliid.

## 15 §

*Ealáhusain bargan*

Doarjja sáhtta miediuvvot ohccái, guhte bargá dahje bargagoahtá boazodoaluin boazodáhus dahje boazodoaluin dahje eará luondduealáhusain luondduealáhusdáhus nu, ahte oazžu das váldooasi áigáiboadustis. Olmmoš, geas leat unnimusat 80 eallit báhcán bohcco, árvvoštallojuvvo goitge oazžut váldooasi áigáiboadustis boazodoalus. Olmmoš, guhte bargá eará luondduealáhusain, galgá oazžut iežas jahkásaš boaduin luondduealáhusain unnimusat dan meari, mii mearriduvvo stáhtarádi ásašusa vuodul ja man Biebmobearráigeahčču mearrádusainis dárkkista jahkásaččat dávistit oppalaš dienasovdáneapmái.

## 16 §

*Ohcci boadut*

Stáhtarádi ásašusa vuodul mearriduvvo ohcci ja su guoimmi eanemusboaduin ja dain boaduin, mat válđojuvvojit eanemusboaduin vuhtii. Eanemusboadut sáhttet sierranahttojuvvet doarjjačuozáhagaid mielde. Biebmobearráigeahčču dárkkista jahkásaččat iežas mearrádusa

vuodul eanemusmeari dávstit almmolaš dienasovdáneapmái. Stáhtaráđi ásausa vuodul sáhttet mearriduvvot maiddái boadut, mat eai váldojuvvo vuhtii ollislaš boaduin.

## 40 §

*Reantodoarjjaloana reanttu árvvoštallan*

Juos ealáhus-, johtalus- ja birasguovddáš lea ágga eahpidit ahte loana reantu manná badjel 38 § 1 momeantta 2 čuoggás dárkkuhuvvon reanttu, dat sáhtá bivdit Biebmobearráigeahču árvvoštallat, deavdago loana reantu ovdalis namuhuvvon láhkabáikkis oavvilduvvon eavttu. Loatnaaddi ferte doaimmahit Biebmobearráigeahču dan áššis bivdin čielggadeami.

## 41 §

*Stáhtadáhkádusaid eanemusmearri*

Stáhtadáhkádus sáhtá miedihuvvot eanandállodoalu ovddidanruhtaráju geavahanplánas jahkásaččat nannejuvvon loanaid oaiveopmodaga eanemusmeari rájiid siste. Loanaid oaiveopmodat, mii lea stáhtadáhkádusa čuožahahkan, oažžu leat ovttáigásaččat mávssekeahtá eanemusat 240 miljoynna euro ovttas daiguin loanaguin, mat leat miedihuvvon eanandoalu ráhkadusdoarjagiin addojuvvon lága ja dasa dávisteaddji ovddit láhkamearrádusaid vuodul. Ovdalis namuhuvvon meari rehkenasttedettiin váldojuvvo vuhtii maid ovdal dán lága fápmuiboahtima leamaš njuolggadusaid vuodul boazodoalu ja eará luondduealáhusaid ráhkadusa buorideami várás miedihuvvon loanaid oaiveopmodat, masa čuoheci dáhkideaddji ovddasvástádusa ollašuvvamis šaddan golut gokčojuvvojit eanandállodoalu ovddidanruhtaráju ruhtaváriin.

## 43 §

*Doaibmabiju ollašuttináigi*

Ealáhus-, johtalus- ja birasguovddáš sáhtá guhkidit 1 momeanttas dárkkuhuvvon mearreáiggi ohcama vuodul, mii lea dahkkojuvvon ovdal mearreáiggi nohkama. Gáibádussan lea, ahte doarjunvuloš doaibmabiju ollašuttin galgá leat álggahuvvon 1 momeanttas dárkkuhuvvon mearreáiggi siste ja ahte mearreáiggi guhkideapmái lea dohkálaš ágga. Mearreáigi sáhtá guhkiduvvot guovtte háve eanemusat jahkái hávássii. Juos doaibmabiju ollašuttima guhkideami ohcamuš doaimmahuvvo muttolaš áigge siste 1 momeanttas dárkkuhuvvon mearreáiggi nohkama mannel, ealáhus-, johtalus- ja birasguovddáš sáhtá giedahallat ná doaimmahuvvon ohcamuša, juos mearreáiggi doahhtalkeahtá guodđin boahtá ohcci duodalaš dearvvasvuohtadili earáhuuvamis dahje eará ohccis sorjjasmeahttun vuorddekeahtes, ovddalgihtii árvitmeahttun dáhpáhusas dahje eará birgetmeahttun árus.

## 44 §

*Doarjaga geavahaneavttut*

Dorjojuvvon investerenčuozáhat ii oáččo bissovaččat dahje mearkkašahtti ládje geavahuvvot eará ulbmilii go doarjunvuloš ealáhusdoibmii dahje bálgosa doibmii iige dorjojuvvon orrunvistti geavahanulbmil oáččo rievdaduvvot ovdal go leat vássán vihtta jagi veahkkellundosaš doarjaga mañemus eari máksimis, dahje juos doarjja gullá lotnii, loana dahje dan mañemus eari loktema rájes. Dorjojuvvon investerenčuozáhaga eaiggáduššan- ja hálddašanvuoigatvuohta sáhtá dattege luobahuvvot nubbái ovdal ovddabealde dárkkuhuvvon mearreáiggi nohkama dainna eavttuin, ahte doarjjaoažžu háhká sadjái dakkár opmodaga, man bakte doaimma luondu, mii lea doarjaga čuožáhahkan ii dovdomassii rievdda, dahje ollašuhtá dakkár ordnedeami, mas luobaheami oažžu deavdá doarjaga miediheami eavttuid ja dorjojuvvon doaimma luondu, mii lea doarjaga čuožáhahkan, ii dovdomassii rievdda.

Doarjunvuloš ealáhusdoaimma dahje eará doaimma ii oáččo heitojuvvot iige dovdomassii gáržžiduvvot ovdal go vihtta jagi leat vássán veahkkellundosaš doarjaga mañemus eari máksimis, dahje juos doarjja gullá lotnii, loana dahje dan mañemus eari loktema rájes. Ealáhusdoaimma, mii lea doarjaga čuožáhahkan, dahje dasa gullevaš ruhtaváriid eaiggáduššan- ja hálddašanvuoigatvuohta sáhtá goitge fuopmášahtti osiin luobahuvvot nubbái ovdal dárkkuhuvvon mearreáiggi nohká dainna eavttuin, ahte doarjjaoažžu háhká sadjái dakkár dávisteaddji opmodaga, man bakte ealáhusdoaimma, mii lea doarjaga čuožáhahkan, dahje eará doaimma luondu ii dovdomassii rievdda dahje ollašuhtá dakkár ordnedeami, man bakte luobaheami oažžu deavdá doarjaga miediheami gáibádusaid ja ealáhusdoaimma, mii lea doarjaga čuožáhahkan, dahje eará doaimma luondu ii dovdomassii rievdda.

Ovddabealde 2 ja 3 momēanttas dárkkuhuvvon luobaheapmin ii adnojuvvo dorjojuvvon investerenčuozáhaga dahje ealáhusdoaimma, mii lea doarjaga čuožáhahkan, sirdáseapmi árbevuogitvuodalaš oažžuma dahje dakkár buolvadatmolsuma bakte, man oktavuodas lea máksojuvvon doarjja boazodoalus dahje luondduealáhusas heaitimii dahje miediuhuvvon boazodoalli dahje luondduealáhusbargi álggahandoarjja.

#### 47 §

##### *Ohcanvejolašvuodas diediheapmi*

Biergobearráigeahčču galgá vuogádatlaš viidodagas diedihit vejolašvuodas ohcat 5-8 loguin dárkkuhuvvon doarjaga, doarjaga ohcamii ásašuvvon mearreáiggis, meannudeamis, mii doahhtaluvvo ohcamis sihke miediheami váldogáibádusain ja eavttuin.

#### 48 §

##### *Doarjaga ohcan*

Doarjja ohccojuvvo elektrovnnalaččat fierbmebálvalusas, mii lea biebmohálddaha diehtovuoddočoaikkáldagas addojuvvon lágas (560/2021) dárkkuhuvvon biebmohálddaha diehtovuoddočoaikkáldaga oassi. Ohcci identifisererjuvvo gievrras elektrovnnalaš identifiseremiin, dađi lági mielde go gievrras elektrovnnalaš identifiseremis ja elektrovnnalaš luohhtámušbálvalusain addojuvvon lágas (617/2009) mearriduvvo. Doarjjaohcamuš sáhtá dahkkojuvvot maid dárkkuhusa várás váfistuvvon skoviin. Skovvi sáhtá doaimmahuvvot suddjejuvvon šleađgaboastaoktavuodain go geavaha pdf-skovi dahje báberhámis. Mañemus namuhuvvon galgá vuolláičállojuvvot.

Ohcamuššii galget laktojuvvot doarjaga miediheami eavttuid árvoštallama dáfus vealtameahttun áššegirjiit, čilgehusat ja plánat.

Ohcamuš čuvvosiiddisguin furkejuvvo diehtovuogádahkii ja giedahallojuvvo dan mannel váldooasis elektrovnnalaččat. Skoviin dahkkojuvvon ohcamuš arkiverejuvvo šleadggalaččat, juos earenoamáš ákka dihte ii eará čuovo.

Biebmobearráigeahčču addá dárkilit mearrádusaid doarjaga ohcamis geavahuvvon skoviin, 2 momeanttas dárkkuhuvvon čuvvosiin sihke plánaid ja čilgehusaid ovdanbuktinvugiin ja elektrovnnalaš meannudemiin.

## 49 §

*Mearreáigi doarjaga ohcamii*

Doarjaga ohcamii ášahuvvon mearreáiggis ja doarjjaráidduin sáhttet addojuvvot dárkilit njuolggadusat stáhtaráđi ášahusain. Biebmobearráigeahčču addá dárkilit mearrádusaid doarjjaohcamuša vuostávdidma ja giedahallama teknihkalaš ordnemis, merkemiin, mat dahkkojuvvojit ohcamušáššegirjiide, sihke skoviin dahkkojuvvon doarjjaohcamušaid sirdimis diehtovuogádahkii.

## 52 §

*Sámedikkiin ráđđádallan*

Ráđđádallamiid boadus galgá doaimmahuvvot diehtun eanan- ja meahccedoalloministeriijai ja Biebmobearráigeahčču.

## 56 §

*Veahkkehápmásaš álggahandoarjaga máksin*

Veahkkehápmásaš ealáhusbargi álggahandoarjaga máksin ohccojuvvo nu ahte doahhtaluvvo mii 48 § 1 momeanttas lea mearriduvvon. Ruhtadoarjja máksojuvvo guoktin earrin.

Dárkilit njuolggadusat veahkkehápmásaš álggahandoarjaga máksoeriin sihke 2 momeanttas dárkkuhuvvon čilgehusaid doaimmaheapmái ášahuvvon mearreáiggis addojuvvojit stáhtaráđi ášahusain. Biebmobearráigeahčču addá dárkilit mearrádusaid ovddabealde dárkkuhuvvon čilgehusain.

## 57 §

*Veahkkehápmásaš investerendoarjaga, vistehuksendoarjaga ja bálgošiid áiddiid ortnegisdoallamii mieđihuvvon doarjaga máksin*

Boazodoallo- dahje luondduealáhusfitnodaga várás mieđihuvvon investerendoarjaga ja vistehuksendoarjaga sihke bálgošiid investerendoarjaga ja áiddiid ortnegisdoallandoarjaga máksin ohccojuvvo nu ahte doahhtaluvvo mii 48 § 1 momeanttas lea mearriduvvon. Doarjjamáksinohcamuša giedahallamii guoskaduvvo, mii doarjjaohcamuša giedahallamis 48 §:s mearriduvvo. Máksinohcamuš sáhtá dahkkojuvvo maid 48 §:s mearrideami mielde

dárkkuhusa várás váfistuvvon skoviin. Ohcamuša guođđimii sáhtta ášahuvvot muttolaš mearreáigi, mii rehkenastojuvvo doarjjamearrádusa dahkamis dahje, juos gažaldat lea doarjunvuloš doaibmabiju maŋemus máksinohcamušas, doarjunvuloš doaibmabiju ollašuhttima nohkamis. Ohcamuš galgá doaimmahuvvot doarjaga miedihán ealáhus-, johtalus- ja birasguovddášii.

Dárkilit njuolggadusat golu duođalašvuoda, loahpalašvuoda ja duohtan čujuheami árvvoštallanákkaid birra sihke válmmasvuohtadási čujuheamis addojuvvojit stáhtarádi ášahusa vuodul. Veahkkehápmásaš investerendoarjaga máksineriin ja máksinohcamuša guođđima mearreáiggis sáhttet addojuvvot dárkilit mearrádusat stáhtarádi ášahusain. Dárkilit mearrádusat máksima ohcanskoviin sihke máksinohcamuša áššegirjjiin ja čilgehusain addá Biebmoearráigeahčču.

## 58 §

*Veahkkehápmásaš doarjaga mávssu ollašuhttin*

Ovdalis 5—9 loguin dárkkuhuvvon ruhtadoarjaga máksimis mearrida ealáhus-, johtalus- ja birasguovddáš. Ealáhus-, johtalus- ja birasguovddáš čohkke iežas miedihán doarjagiid máksinmearrádusdieđuid ja doaimmaha daid Biebmoearráigeahčču. Biebmoearráigeahču ovddasvástádus lea máksinmearrádusaid goluid dárkkisteamis ja dohkkeheamis sihke mávssuid teknihkalaš ollašuhttimis.

## 61 §

*Loktenlohpi*

Stáhtarádi ášahusa vuodul addojuvvojit dárkilit njuolggadusat dain ákkain, mat geavahuvvojit golu duođalašvuoda, loahpalašvuoda ja duohtan čujuheami árvvoštallamis ja loktenlobi háhkamii ášahuvvon mearreáiggis. Dárkilit mearrádusat lobi ohcanskoviin ja ohcamuša áššegirjjiin ja čilgehusain addá Biebmoearráigeahčču.

## 65 §

*Loana sirdin ja loatnaeavttuid rievdadeapmi*

Stáhtarádi ášahusa vuodul addojuvvojit dárkilit njuolggadusat diliin, main loatnaeavttuid rievdadeapmi gáibida lobi háhkama, sihke lobi háhkama mearreáiggis. Biebmoearráigeahčču addá dárkilit mearrádusaid skoviin, mat geavahuvvojit lobi háhkamii.

## 66 §

*Stáhtaloana reantoovddu ja eará loana doarjaga sihke stáhtadáhkádussii gullevaš doarjaga doarjaga geavaheapmi*

Biebmoearráigeahčču addá dárkilit mearrádusaid das, maid loatnaaddi ferte doahttalit geavahettiinis lotnii gullevaš doarjaga iežas miedihán stáhtalotnii.

## 67 §

*Loana miediheapmi eanandállodoalu ovddidanruhtaráju ruhtaváriin loatnaaddái*

Biebmobearráigeahčču mearrida loatnaaddi ohcamušas loana miediheamis loatnaaddái stáhtaloanaid miediheami várás. Loatna sáhtá ohccojuvvot guovddášruhtalágádusa bakte.

Biebmobearráigeahčču dahká stáhta ja ovtta dahje eanet loatnaaddiid gaskavuoda vealgegirjji, vuolláičállá dan stáhta beales sihke fuolaha vealgegirjji furkkodeamis ja luobaheamis loatnaoázžui dan maŋnel, go loatna lea máksojuvvon dahje buhttejuvvon odđa vealgegirjjiin.

Biebmobearráigeahčču addá dárkilit mearrádusaid meannudeamis, go stáhtas ohccojuvvojit, miedihuvvojit ja máksojuvvojit ruhtavárit sihke das, goas loatnaaddi sáhtá doaibmat almmá guovddášruhtalágádusa gaskkusteami haga.

## 68 §

*Čilgehusa addin stáhtaloana ruhtadeamis ja čoggon ruðaid luobaheamis*

Loatnaaddi buhtadusohcama dihte Biebmobearráigeahčču mearridan mávssut galget máksojuvvot čieža bándkobeavvi siste das, go loatnaaddi lea ožžon dieđu mearrádusas.

## 69 §

*Loatnaaddi goluid buhtten*

Biebmobearráigeahčču mearrida stáhtaloana dikšumis loatnalágádussii máksojuvvon 1 momeanttas dárkkuhuvvon buhtadusaid bearramis loatnalágádusas ruovttoluotta muhtin oassái dahje ollásit, juos loatnalágádus ii leat dikšon stáhtaloana dego dán lágas dahje dan vuodul mearriduvvon dahje vuogi mielde dahje buori bándkovieru gáibidan vuogi mielde. Ruovttoluottabearramii sáhtá álgit oppa loatnaáiggi áigge almmá 95 § eastima haga.

## 70 §

*Stáhtaloanaid ruhtaváriid gaskkusteapmi*

Biebmobearráigeahčču máksá loana, man stáhta lea miedihan loatnaaddái, guovddášruhtalágádusa bokte.

Biebmobearráigeahčču máksá ohcama vuodul stáhtaloana dikšunmávssu guovddášruhtalágádusa bakte loatnaaddái.

Loatnaaddi ferte máksit guovddášruhtalágádusa bakte stáhtaloana oanádusaid ja reantuid Biebmobearráigeahčču eanandállodoalu ovddidanruhtarádju loahpalaš boahtun mearrekontui.

Nuppástusat, mat dahkkojuvvojit stáhtalotnii fitnodaga sanerenlága (47/1993) miel ordnedeamis dahje priváhtaolbmó vealgeordnedeamis addojuvvon lága (57/1993) miel ordnestallamis, dahkkojuvvojit maidđái loatnalágádusa ja stáhta gaskasaš vealgái.

Biebmobearráigeahčču sáhtá addit mearrádusaid das, man dáhphusas loatnaaddit sáhttet doaimmahit ovdalis namuhuvvon doaimmaid almmá guovddášruhtalágádusa haga.

## 71 §

*Reantodoarjaga máksin*



Loatnaaddi ferte ohcat reantodoarjjamávssu guđege reantoáigodagas sierra, goitge eanemusat oktii mánu. Biebmobearráigeahču dohkkehan guovddášruhtalágádus gaskkusta ohcamuša Biebmobearráigeahču, mii máksá mávssu guovddášruhtalágádussii. Guovddášruhtalágádus gaskkusta reantodoarjaga loatnaaddái.

Dárkilit mearrádusat reantodoarjaga mávssu ohcamis ja gaskkusteamis addá Biebmobearráigeahču.

## 73 §

*Stáhtaovddasvástádus*


---

Biebmobearráigeahču sáhtá addit dárkilit njuolggadusaid bearráigeahčcomeannudeamis.

## 74 §

*Buhtadusat, mat máksojuvvot stáhtaloanain*

Biebmobearráigeahču mearrida oaiveopmodaga ja reanttuid buhtadusas, mii máksojuvvo loatnaaddái stáhtaovddasvástádusa vuodul. Ovđal buhtadusa nannema Biebmobearráigeahču ferte čielggadit, ahte velggolačča ja vejolaš dahkideaddji máksinnávccahisvuodas boahtti loahpalaš massin lea gávnnahuvvon ja ahte massin ii leat sáhtán gokčojuvvot dahkádussan geavahuvvon opmodaga vuovdinruđain dahje, juos dahkádussan lea eará go olmmošdahkideapmi, de eará dahkádusain. Dahkádusa vuovdin ii goitge gáibiduvvo dalle, go velggolaš dahje loanas ovddasvástideaddji goalmmat olmmoš oazžu fitnodatsaneremis dahje priváhtalbmá veatgeordneamis dahje eará sullasaš ordneamis dahje eará dahkádusovddasvástádusa ordneamis seailuhit dahkádussan leamaš opmodaga. Biebmobearráigeahču máksá buhtadusa loatnaaddái eanandállodoalu ovddidanruhtaraju ruhtaváriin.

Oanádusaid ja reanttuid ovddas, maid loatnaoazžu buhtadusa máksima maŋgel máksá loatnaaddái, galgá addojuvvot čilgehus ja máksojuvvot Biebmobearráigeahču.

Biebmobearráigeahču mearrida loatnaaddái máksojuvvon buhtadusa ruovttoluottabearramis loatnaoazžus, dan oasis go loatna dahje dan reanttut eai leat máksojuvvon stáhtii. Loatnaoazžus sáhtá berrojuvvot loatnaaddái buhtadusohcama vuodul máksojuvvon buhtadusas jahkasaš reantu reantolága (633/1982) 4 §:s dárkkuhuvvon reantovuodu mielde. Dát ferte merkejuvvot doarjjamearrádussii.

Buhtadus massimiin sáhtá guđđojuvvot mávssekeahhtá loatnaaddái dahje buhtadusa mearri sáhtá vuoliduvvot, juos loana dikšumis ii leat doahttaluvvon dát láhka dahje buorre bándkovierru.

Biebmobearráigeahču addá dárkilit mearrádusaid buhtadusa ohcamis ja máksinmeannudeamis.

## 75 §

*Buhtadusohcamuša giedahallanáigi ja buhtadusaid maŋŋonnanreanttut*

Biebmobearráigeahču ferte giedahallat stáhtaloana buhtadusohcamuša golmma mánu siste das, go loatnaaddi ohcamuš lea boahtán Biebmobearráigeahču ja velggolačča ja vejolaš dahkideaddji máksinnávccahisvuodas boahtán loahpalaš massin lea gávnnahuvvon. Juos ohcamuš ii sáhte dakkáražžan čovdojuvvot, rehkenastojuvvo mearreáigi das, go maŋemus ohcamuša čoavdima várás vealtameahhtun Biebmobearráigeahču bivdin lassičilgehus

loatnaaddis lea boahtán. Juos mearreáigi mannojuvvo badjel, stáhta lea geatnegahtton máksit badjelmannanáiggiis mannonanreanttu reantolága 4 §:s dárkkuhuvvon reantovuodu mielde.

## 89 §

*Fitnodatdoaimmaplána čuovvun*

Stáhtarádi ásašusain addojuvvojit dárkilit njuolggadusat 1 momeanttas dárkkuhuvvon čilgehusaid sisdoalus. Biebmobearráigeahčču addá dárkilit mearrádusaid čilgehusaid ovdanbuktinvuogis sihke daid doaimmaheamis ealáhus-, johtalus- ja birasguovddáži.

## 90 §

*Loana čuovvun, mii lea stáhtaloana, reantodoarjjaloana ja stáhtadáhkádusa čuožáhahkan*

Loatnaaddi ferte ordnet stáhtaloana, reantodoarjjaloana ja stáhtadáhkádusa čuožáhatvuloš loana dikšuma sihke stáhtaloana doarjaga dikšuma sihke stáhtaloana doarjaga ja eará loana reantodoarjaga sihke eará loana doarjaga gollama čuovvuma. Dat galgá doaimmahit mearreáiggiid Biebmobearráigeahčču loana miedihan-, lokten- ja oanidandieduid sihke stáhtaloana, reantodoarjjaloana ja stáhtadáhkádusa čuožáhatvuloš loana reanttu máksima ja loatnadoarjaga geavaheami dieduid. Loatnaaddi ferte ájahalakeahhtá fuolahit stáhtaloana ja eará doarjunvuloš loana nuppástusaid dahkamis iežas diehtovuogádagaide.

Stáhtarádi ásašusain addojuvvojit dárkilit njuolggadusat dain dieduin, maid loatnaaddi ferte doaimmahit Biebmobearráigeahčču. Biebmobearráigeahčču addá dárkilit mearrádusaid dieduid ovdanbuktinvuogis sihke daid doaimmaheami doahhtalanvuloš meannudeamis.

## 92 §

*Dieduid seailuheapmi*

Diehtovuogádahkii gullevaš dieđut seaillohuvvojit logi jagi doarjaga miedihanmearrádusa dahkama rájes. Juos doarjja lea miedihuvvon, dieđut seaillohuvvojit logi jagi doarjaga mañemus eari máksimis dahje stáhtaloana dahje reantodoarjjaloana čuožahanvuloš loana mañemus eari loktemis, goitge nu guhká go reantodoarjja máksujuvvo. Stáhtadáhkádusa dieđut seaillohuvvojit dáhkádusa gustonáiggi dahje, juos dáhkideaddji ovddasvástádus lea ollašuvvan, nu guhká go máhcevaš oázžumuš sáhtá berrojuvvo. Stáhtaloana dieđut fertejit seaillohuvvot nu guhká go loatnalágádusas lea stáhtaloana oázžumuš loatnaoázžus dahje, juos loatnaaddi lea ohcan stáhtaloana buhtadusa Biebmobearráigeahčču, dassáži go buhttenohcamuš lea láhkafámolaččat čovdjuvvon. Juos jearaldat lea Eurohpa Uniovna muhtin oassái ruhtadan plána dahje prográmma doarjagis, dieđut seaillohuvvojit dasa lassin vihtta jagi das, go Eurohpa komišuvdna máksá plána dahje prográmma mañemus Eurohpa Uniovna ruhtadanoasi mávssu.

## 93 §

*Dárkkistanvuogiatvuohhta*

Eanan- ja meahccedoalloministeriija ja Biebmobearráigeahčču sáhttet dahkat doarjaga miediheami, máksima ja geavahusa eavttuid ja eavttuid doahhtaleami bearráigeahččama várás doarjaga miediheddjiide, máksiide, gaskusteddjiide ja oázžuide čuoheci dárkkistemiid.

Seammalágán riekti doarjaga gaskkusteadddiid ja oažžuid oasil lea ealáhus-, johtalus- ja birasguovddážiis. Namuhuvvon eiseváldiin lea diehtoaoažžunrieki čiegusindollannjuolggadusain beroškeahhtá.

Biebmobearráigeahčču mearrida dárkkistemiid mearis ja vállje dárkkistančuoáhagaid riskaanalysa dahje soaittáhatčuoldima vuodul, juos áššis ii mearriduvvo eará ládje Eurohpa uniovnna láhkaásaheamis. Biebmobearráigeahčču ráhkada dárkkistanstrategiija ja dárkkistanplána.

Eurohpa uniovnna ruhtaváriin muhtin oassái dahje ollásit dahje stáhtadoarjjan miedihuvvon doarjaga dárkkistanrieki lea maid Eurohpa uniovnna doaibmaorgánas dađi lági mielde go áššis mearriduvvo Eurohpa uniovnna láhkaásaheamis.

Ovddabealde 2 momeanttas dárkkuhuvvon dárkkistusaid ollašuttinvuogis sáhttet addojuvvot dárkkilit njuolggadusat stáhtaráđi ásaheamis.

94 §

#### *Dárkkisteami ollašuttin*

---

Dárkkisteamis ferte ráhkaduvvot dárkkistanmuitalus, mii doaimmahuvvo ájahalakeahhtá ealáhus-, johtalus- ja birasguovddážiis sihke Biebmobearráigeahčču.

---

23 Lohku

#### **Doarjaga máhcaheapmi, máksima heaitin, ruovttoluottabearran sihke geahpádusat ja čuovvumušat**

94 a §

#### *Doarjaga máhcaheapmi*

Doarjjaoažžu galgá ájahalakeahhtá máhcahit boastut, liiggi dahje čalmmus ákkaheamit iežas oažžun doarjaga dahje dan oassi. Doarjjaoažžu galgá máhcahit doarjaga dahje dan oasi maid, juos dat ii sáhte adnojuvvot doarjjamearrádusas gáibiduvvon vuogi mielde. Juos máhcahanvuloš mearri lea eanemusat 100 euro, dan oažžu guoddit máhcatkeahhtá.

Mii 1 momeanttas mearriduvvo, dat ii guoskka árvvoštallojuvvon ákka mielde miedihuvvon doarjaga ja ollašuvvan goluid gaskasaš erohusa.

95 §

#### *Doarjaga máksima loahpaheapmi ja ruovttoluottabearran*

Ealáhus-, johtalus- ja birasguovddáš lea geatnegahtton gaskkalduhttit 5—8 loguin dárkkuhuvvon doarjaga máksima ja bearrat dan ruovttoluotta, juos:

- 1) doarjaga miedián- dahje máksineavttut eai leat ollašuvvan;
- 2) doarjjaoažžu lea addán dakkár boastto- dahje váilevaš dieđu, mii lea váikkuhan čielgasit doarjaga miediheapmái dahje máksimii;
- 3) doarjaga eavttut eai leat doahhtaluvvon;
- 4) doarjjaoažžu ii leat deavdán 17 § 1 momeanttas dárkkuhuvvon čatnaseami;
- 5) doarjjaoažžu lea luobahan dahje loahpahan doarjunvuloš ealáhusdoaimma dahjege gáržžidan dan dovdomassii dahje luobahan dorjojuvvon investerenčuoáhaga dahje visteruhtadeami bakte dorjojuvvon orrunvistti ovdalgo 44 § mearreáigi lea vássán iige sadjai

leat háhkkojuvvon ođđa danveardásaš opmodat dahje ollašuttton ordnedeapmi namuhuvvon paragrafa mielde;

6) doarjjaoažžu lea ášahuvvon konkursii ovdal 44 §:s dárkkuhuvvon mearreáiggi nohkama ja doarjjaoažžu doaimmas lea dahkkojuvvon rihkuslága (39/1889) 39 logus dárkkuhuvvon velggolačča rihkus;

7) doarjjaoažžu lea biehttan veahkeheames dárkkisteami; dahje

8) Eurohpá Uniovnna ollásit dahje muhtin oassái ruhtadan dahje riikkasis ruhtaváriiguin ollásit ruhtaduvvon eanandoalu ráhkadusdoarjagiidda guoskevaš Eurohpá Uniovnna láhkaásaheapmi dan gáibida.

Ruovttoluottabearrama várás galgá 1 momeantta 5 čuoggá vuodul mearriduvvot dat oassi máksit doarjaga mearis, mii ožžojuvvo go geahpiduvvo opmodaga geavahanáiggiin dahje ealahusdoaimma doaibmanáiggi danveardásaš oassi 44 §:s dárkkuhuvvon geavahanáiggiis.

Juos doarjjaoažžu lea guodđán doahttalkeahtá almmolaš háhkamiid láhkaásaheami, doarjja ii máksojuvvo dahje doarjaga mávssiheapmi botkejuvvo ja juo máksojuvvon doarjja berrojuvvo ruovttoluotta láhkamearrádusaid vuostásaš háhkama oasil dađi lági mielde go horisontálaásahusa 61 artihkkalis mearriduvvo.

Bearakeahtá sáhtá goitge guoddit meari, mii lea eanemusat 100 euro almmá reanttuid haga.

Juos doarjja lea miedihuvvon oktasáčat eanebuidda, de buot doarjjaoažžuin lea ovtas ovddasvástádus doarjaga máksimis ruovttoluotta. Doarjjaoažžuid gaskavuoda ovddasvástádus juohkása dan gori mielde go doarjjaoažžu lea oassálastán dan doibmii, mii lea leamaš doarjaga máhchangeatnegasvuoda vuodđun.

Ruovttoluottabearrama várás mearriduvvon doarjja galgá máksojuvvot ruovttoluotta manjemusat jagi siste ealahus-, johtalus- ja birasguovddáža mearrádusa rájes.

## 102 §

### *Ruovttoluottabearramii ja máksima botkema mearrádus*

Ealahus-, johtalus- ja birasguovddáš galgá dahkat ruovttoluottabearramis ja doarjaga máksima botkemis sihke stáhtaloana eretcealkimis mearrádusa. Mearrádusa vuodul nannejuvvo dat mearri, mii galgá ruovttoluotta berrojuvvo dahje eretcelkojuvvo, 99 §:s dárkkuhuvvon reantu sihke daid máksima várás biddjojuvvo merron earrebeaivi.

## 103 §

### *Ruovttoluottabearrama ollašuttin*

Biebmoearráigeahčus lea ovddasvástádus doarjaga ruovttoluottabearranmearrádusa ollašuttimis. Ruovttoluottabearran sáhtá čadahuvvot mearrádusa vuodul nu, ahte ruovttoluottabearranvuloš mearri reanttuin geahpeduvvo doarjjaoažžui máksit dárkkuhuvvon eará doarjagis. Stáhtaloana ja dan reanttu bearrama ovddasvástádus lea goitge loana miedihán loatnalágádus.

Ruovttoluottabearranmearrádus sáhtá bággobearrandoaimmaiguin ollašuttuojuvvot dan manjel, go mearrádus lea ožžon láhkafámu. Ruovttoluottabearranoažžumuš boarásnuvvá vida jagi geahčen dan čuvvon jagi álggus, goas ruovttoluottabearranmearrádus lea ožžon láhkafámu. Muđuid mearrádusa ollašuttimii guoskaduvvo, mii vearuid ja mávssuid ollašuttima birra addojuvvon lágas (706/2007) mearriduvvo.

Stáhtaloana eretcealkin ja ruovttoluottabearrama reanttu bearran gullá goitge loana miedihán loatnalágádussii.

## 103 a §

*Geahpádusat ja čuovvumušat*

Juos hálldahuslaš dárkkisteamis, mii guoská mávssu, dahje eará dárkkisteamis fuobmájuvvo, ahte doaibmabidju, mii lea doarjaga čuožáhahkan, leat dohkkehuvvon dohkkehuvvon plána mielde dahje doarjjaohcci lea máksinohcamušastis ovddidan vuoigatmeahtun goluid, doarjja ii máksojuvvo dahje máksinvuloš doarjja geahpiduvvo. Hálldahuslaš čuovvumušas, mii laktása máksinvuloš doarjagii, mearrida máksinmearrádusa ollahuhti eiseváldi.

Čuovvumušain galgá válđojuvvot vuhtii horisontálaásahusa 59 artiikkala mearrádus. Čuovvumušat eai mearriduvvo horisontálaásahusa 59 artiikkala 5 čuoggá nuppi vuollečuoggá a, b ja c čuoggáin dárkkuhuvvon diliin eaige earáge veardidanvuloš diliin.

Stáhtarádi ášahusain addojuvvojit dárkilit njuolggadusat doarjaga geahpidanákkain sihke geahpádusaid ja čuovvumušaid rehkenastimis.

## 105 §

*Loatnaaddi veahkehan- ja diehtoaddingeatnegasvuohta*

Loatnaaddi galgá váldit vuhtii stáhtaloana divššodettiinis stáhta ovddu loatnaaddin seamma ládje go loana, mii lea dáhádusa čuožáhahkan, stáhta ovddu dáhkideaddjin. Loatnaaddi ferte ájahalakeahtta ilmmuhit Biebmobearráigeahččái dakkár doarjjaoažžu ekonomalaš sajádaga nuppástusas, loana, mii lea doarjaga čuožáhahkan, dahje opmodaga árvvu, mii lea loana dáhádussan, nuppástusas, mas sáhtta leat váikkuhus stáhta sajádahkii loatnaaddin dahje dáhkideaddjin.

Loatnaaddi ja guovddášruhtalágádus leat geatnegahtton spesifiserejuvvon bivdagis luobahit eanan- ja meahccedoalloministerijai, Biebmobearráigeahččái sihke ealáhus-, johtalus- ja birasguovddáži dakkár doarjjaoažžu dieduid, mat leat vealtameahtumat loana doarjaga mieđiheami gáibádusaid ja eavttuid doahttleami bearráigeahččama várás.

## 106 §

*Mávssut, mat berrojuvvojit stáhtadáhádusas*

Ovddabealde 1 momeanttas dárkkuhuvvon mávssu gaskkusta stáhtii loatnaaddi. Biebmobearráigeahčču máksá loatnaaddái buhtadusa ovddabealde namuhuvvon doaimma dikšumis. Buhtadus máksojuvvo eanandállodoalu ovddidanruhtaráju ruhtaváriin.

Stáhtarádi ášahusain addojuvvojit dárkilit njuolggadusat mávssuid mearis ja mearrahuuvvanvuogis, mat berrojuvvojit dáhádusa ovddas, sihke loatnaaddái máksinvuloš buhtadusa mearis. Biebmobearráigeahčču sáhtta addit dárkilit mearrádusaid meannudeamis, mat doahttaluvvojit mávssuid gaskkusteamis olis.

## 107 §

*Stáhta dáhkideaddji ovddasvástádusa ollašuvvan*

Stáhta dáhkideaddji ovddasvástádus sihke mávssu máhcevaš rievtti ávkegoziheami ovddasvástádus lea Biebmobearráigeahčču.

Biebmobearráigeahčču sáhtta mearridit, ahte stáhta máhcevaš oažžumuš ii berrojuvvo dakkár doarjjaoažžus, guhte govtolaččat árvvoštaldettiin ii suite máksit mávssu bissovaš

bargonávccahisvuoda, guhkálaš bargguhisvuoda, fuolahusgeatnegasvuoda dahje dáidda buohtastahhti eará ákka vuodul.

Mávssut, mat šaddet dáhkiideaddji ovddasvástádusa ollašuvvamis, máksojuvvojit eanandállodoalu ovddidanruhtaráju ruhtaváriin. Máhccevaš rievtti vuodul ožžojuvvon buhtadusat čilgejuvvojit ja máksojuvvojit namuhuvvon ruhtarádjui.

## 109 §

*Diehtooažžunvuoigatvuohta ja dieđuid luobaheapmi*

Eanan- ja meahccedoalloministeriijas, Biebmobearráigeahčus sihke ealáhus-, johtalus- ja birasguovddázis lea riekti čiegusindoallannjuolggadusaid dan cakkakeahhtá oažžut eará eiseválddis dahje almmolaš doaimma dikšu oassebealis ohccái dahje doarjjaoažžui, dán dearvasvuohtadillái, ekonomalaš sajádahkii ja fitnodat- dahje ámmátdoibmii, almmolaš rudain miedihuvvon ruhtadeapmái dahje doarjaga dáfus mearkkašahhti dili eará dieđuid, mat leat vealtameahttumat doarjjaášši giedahallama várás.

Ovddabealde 1 momeanttas namuhuvvon eiseválddiin lea vuoigatvuohta čiegusindoallannjuolggadusaid cakkakeahhtá oažžut Vearrohálddahusas nuvtá lunddolaš olbmo, doarjjaoahcci ja doarjjaoažžu dieđuid vearuide, lágas mearriduvvon ealáhat-, bárte- ja bargonávccahisvuoda oaju mávssuide laktáseaddji dahje Duollu bearran mávssuide registreren-, ilmmuhan- ja máksingeatnegasvuodaid dikšumis, doaimmas, ekonomiijs sihke ovddabealde namuhuvvon beliid čatnasemiin, ja dain vejolaččat dihtton váilevašvuodain ovddabealde namuhuvvon geatnegasvuodaide laktásettiin, juos dieđut leat vealtameahttumat doarjaga miediheami ja máksima várás dahje doarjaga geavaheami bearráigeahččama várás.

Eanan- ja meahccedoalloministeriijas, Biebmobearráigeahčus sihke ealáhus-, johtalus- ja birasguovddázis lea vuoigatvuohta čiegusindoallannjuolggadusaid cakkakeahhtá luobahit eará eiseváldái dahje almmolaš doaimma dikšui dahje Eurohpa Uniovnna doaibmaorgánii dán lágas mearriduvvon doaimma divššodettiin ožžojuvvon dakkár dieđuid doarjjaoažžus, maid eiseváldi dahje doaibmaorgána dárbbáša mearriduvvon dárkkistanbarggu ollašuttima várás dahje dan bearráigeahččama várás, ahte Eurohpa Uniovnna lágat leat doahttaluvvon.

Ovddabealde 1—3 momeantta vuodul ožžojuvvon dieđut eai oáččo geavahuvvot eará go dan ulbmilii, masa dat leat bivdojuvvon.

## 127 §

*Meannudeami spiehkastagat*

Biebmobearráigeahčču sáhtta addit 118— 126 §:ain dárkkuhuvvon áššiid giedahaladettiin dárbbášlaš áššegirjiid birra dárkilit mearrádusaid.

Dát láhka boahtá fápmui ođđajagemánu 1. beaivve 2023.

Go láhka lea boahtán fápmui, de johttáhuuvvon ohcamuššii ja ovdal lága fápmuiboahtima miedihuvvon doarjagii guoskaduvvojit lága fápmui boadedettiin gustojeaddji njuolggadusat ja mearrádusat.

Ovddabealde 11 § 1 momeanttas dárkkuhuvvon plánengoluide doarjja ii sáhte miedihuvvot, juos dat leat šaddan ovdal ođđajagemánu 1 beaivve 2023.

1329/2022

Helssegis 29.12.2022

**Dásseválddi Presideanta**

**Sauli Niinistö**

Eanan- ja meahccedoalloministtar Antti Kurvinen